



## SOALAN LAZIM (FAQ) MENGENAI GERAN KHAS PRIHATIN (GKP) 4.0

### 1. Apakah GKP 4.0?

GKP 4.0 adalah bantuan kewangan kepada Perusahaan Kecil & Sederhana (PKS) mikro yang berkelayakan bagi membantu aliran tunai perniagaan di samping meningkatkan produktiviti pengeluaran dan perkhidmatan.

### 2. Siapakah yang layak menerima GKP 4.0?

PKS mikro yang berstatus **Lulus GKP** seperti berikut:

- Penerima sedia ada GKP 1.0, GKP 2.0 dan GKP 3.0
- Permohonan baharu GKP 4.0

### 3. Berapakah nilai bantuan GKP 4.0

Nilai bantuan GKP 4.0 adalah seperti berikut:

Layak GKP 4.0	Nilai Bantuan
Penerima sedia ada GKP 1.0, GKP 2.0 dan GKP 3.0 yang berstatus Lulus	RM1,000 (2 Fasa)
Lulus permohonan baharu GKP 4.0	RM1,000 (2 Fasa)

### 4. Apakah syarat untuk membuat permohonan baharu GKP 4.0?

Syarat kelayakan seperti berikut:

- Bukan penerima GKP 1.0, GKP 2.0 dan GKP 3.0 sebelum ini; dan
- Pemohon mestilah berstatus warganegara Malaysia; dan
- Pemohon yang menjalankan Perusahaan Kecil & Sederhana (PKS) mikro seperti berikut:
  - Jumlah jualan atau perolehan tahunan kurang daripada RM300,000; dan
  - Jumlah pekerja sepenuh masa tidak melebihi 4 orang, tidak termasuk pemilik; dan
- Berdaftar dengan Pihak Berkuasa Tempatan (PBT) atau Suruhanjaya Syarikat Malaysia (SSM) atau Lembaga Hasil Dalam Negeri Malaysia (LHDNM) sebelum atau pada 30 Jun 2021; dan
- Masih aktif menjalankan perniagaan semasa permohonan dibuat.

### 5. Bagaimanakah kaedah permohonan GKP 4.0?

Permohonan baharu GKP 4.0 boleh dibuat secara dalam talian sahaja menerusi portal rasmi GKP (<https://gkp.hasil.gov.my>). Permohonan baharu secara manual di cawangan-cawangan LHDNM tidak akan diterima.

**6. Bilakah tarikh permohonan baharu GKP 4.0 bermula?**

Permohonan baharu GKP 4.0 akan dibuka mulai 15 Julai 2021 sehingga 31 Julai 2021.

**7. Adakah penerima sedia ada GKP 1.0, GKP 2.0 dan GKP 3.0 yang lulus perlu membuat permohonan semula bagi bantuan GKP 4.0?**

Penerima sedia ada yang berstatus Lulus GKP 1.0, GKP 2.0 dan GKP 3.0 tidak perlu membuat permohonan semula. Permohonan baharu GKP 4.0 hanya bagi PKS Mikro yang tidak menerima GKP 1.0, GKP 2.0 dan GKP 3.0.

**8. Permohonan GKP saya sebelum ini berstatus Tidak Layak, adakah saya boleh membuat permohonan baharu GKP 4.0?**

Sekiranya status permohonan GKP adalah Tidak Layak, maka tidak layak untuk membuat permohonan baharu GKP 4.0.

**9. Status permohonan GKP sebelum ini tidak lulus, adakah saya boleh membuat permohonan baharu GKP 4.0?**

Boleh. Permohonan baharu GKP 4.0 dibuka kepada PKS Mikro yang tidak lulus GKP 1.0, GKP 2.0 dan GKP 3.0 serta tidak mempunyai rekod permohonan GKP dan Bantuan Prihatin rakyat (BPR).

**10. Bilakah keputusan permohonan boleh diketahui?**

Tarikh semakan keputusan permohonan GKP 4.0 akan dimaklumkan oleh pihak Kementerian Kewangan Malaysia (MOF) dari semasa ke semasa.

**11. Bilakah pembayaran GKP 4.0 akan dibuat?**

Pembayaran GKP 4.0 akan dibuat secara berperingkat seperti berikut:

Penerima GKP	Tarikh Pembayaran	
	Fasa 1 (September 2021)*	Fasa 2 (November 2021)*
Penerima sedia ada GKP 1.0, GKP 2.0 dan GKP 3.0 yang berstatus Lulus	RM500	RM500
Lulus permohonan baharu GKP 4.0	RM500	RM500

\*Tertakluk kepada perubahan.

**12. Bagaimanakah kaedah bayaran GKP 4.0 dilaksanakan?**

Pembayaran akan dikreditkan ke akaun bank persendirian pemohon yang didaftarkan pada permohonan baharu GKP 4.0 atau penerima sedia ada GKP 1.0, GKP 2.0 dan GKP 3.0. Akaun bank persendirian pemohon mestilah sama ada akaun bank simpanan / semasa yang aktif sahaja.

**13. Apakah yang akan terjadi sekiranya saya gagal mengemukakan akaun bank simpanan / semasa untuk pembayaran GKP 4.0?**

Proses pembayaran akan gagal dan bayaran akan terbatal memandangkan pembayaran GKP hanya dikreditkan kepada penerima yang mempunyai akaun bank simpanan / semasa yang aktif sahaja.

**14. Adakah semakan kelayakan GKP 4.0 akan dibuat dengan mana-mana Agensi Kerajaan?**

Ya. Kerajaan akan membuat semak silang dengan Agensi Kerajaan yang dilantik bagi memastikan kesahihan maklumat yang dikemukakan pemohon.

**15. Saya baru mendaftar dan menjalankan perniagaan pada tahun 2021 (sebelum 30 Jun 2021), adakah saya perlu melaporkan jualan bagi tahun 2020?**

Jika pendaftaran perniagaan pada tahun 2021 (sebelum 30 Jun 2021), jumlah jualan yang perlu dilaporkan adalah jualan diterima pada tahun 2021 sahaja.

**16. Saya telah mendaftar dan menjalankan perniagaan sebelum atau pada tahun 2020. Oleh itu, jualan tahun bilakah yang perlu saya laporkan pada permohonan GKP 4.0?**

Jika perniagaan yang telah didaftarkan dan beroperasi sebelum atau pada tahun 2020, jumlah jualan yang perlu dilaporkan adalah jumlah jualan bagi tahun 2020 dan 2021.

**17. Penerima GKP 1.0, GKP 2.0 atau GKP 3.0 yang lulus tetapi telah meninggal dunia sebelum atau pada 14 Julai 2021. Adakah bayaran GKP 4.0 akan dikreditkan ke akaun penerima berkenaan?**

Bagi penerima GKP 1.0, GKP 2.0 atau GKP 3.0 yang lulus dan meninggal dunia sebelum atau pada 14 Julai 2021, tidak layak menerima bayaran GKP 4.0.

**18. Rakan kongsi saya adalah penerima GKP 1.0, GKP 2.0 atau GKP 3.0 yang lulus dan telah meninggal dunia sebelum atau pada 14 Julai 2021. Adakah saya boleh membuat permohonan pertukaran maklumat penerima GKP 4.0?**

Bagi penerima GKP 1.0, GKP 2.0 atau GKP 3.0 yang lulus dan telah meninggal dunia, rujuk Jawapan bagi Soalan 15. Rakan kongsi perniagaan / syarikat boleh membuat permohonan baharu GKP 4.0 jika menepati syarat kelayakan.

**19. Saya juga membuat permohonan Bantuan Prihatin Rakyat (BPR) 2021 dan berstatus Lulus. Adakah saya layak menerima GKP 4.0?**

Jika permohonan BPR 2021 atau Rayuan BPR 2021 berstatus Lulus, tidak layak GKP 4.0.

**20. Saya telah menerima bayaran GKP sebelum ini dan ingin menolak bantuan GKP. Bagaimanakah cara untuk memulangkan bayaran GKP yang telah diterima?**

Tindakan yang perlu diambil adalah seperti berikut:

- i. Sila kemukakan surat kepada Kementerian Kewangan Malaysia dengan menyatakan nama penuh, nombor Mykad dan sebab pemulangan;
- ii. Lampirkan draf bank / cek atas nama Akauntan Negara Malaysia (mengikut jumlah pemulangan); dan
- iii. Surat dan draf bank / cek perlu dikemukakan kepada pihak Kementerian Kewangan Malaysia di alamat berikut:

**Pejabat Belanjawan Negara  
Kementerian Kewangan Malaysia  
Presint 2, 62592 Putrajaya**

**21. Saya telah membuat pemulangan GKP dan menolak bantuan GKP. Adakah saya masih layak menerima GKP 4.0?**

Sekiranya pemulangan GKP telah dilakukan dan telah disahkan oleh Kementerian Kewangan Malaysia (MOF), tidak layak menerima GKP 4.0.

**22. Apakah yang perlu saya lakukan sekiranya saya mempunyai sebarang pertanyaan mengenai status permohonan GKP 4.0?**

Sebarang pertanyaan mengenai status permohonan GKP 4.0 boleh hubungi Hasil Care Line di talian 03-8911 1000 / 603-8911 1100 (Luar Negara).

Disediakan pada 12 Julai 2021